



Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Quam pulchra es, & q [...] decora charissimæ in delicijs Statura tua
assimilata est palma, & ubera tua botris.

urn:nbn:de:hbz:466:1-34445

RUPER. IN CANT. CANT. CA. VII.
circundederunt ei, protinus tribus poenis passio-
num contummandum, scilicet flagellādum, cru-
cifigendum, lancea percutiendum. Nam illi qui
dem irridentes purpuram circundederūt ei, tan-
quam regi, sed ille ferio & purpuram admisit, et
calamū pro sceptro suscepit in dextera quia cer-
tissime per hæc fiebat, ut & in cælo & in terra
purpuram regni, & sceptrum acciperet imperij.
Proinde purpura illa recte dicitur iuncta cana-
libus, quia sicut purpura eo magis tingitur &
preciosior fit, quo uicinius atq; diutius iuncta fue-
rit tincturæ canalibus, ita passio dilecti eo glori-
osior est, quo amplius præ cunctis sacrificijs pro-
cessit secundū consiliū diuinitatis, cuius uideli-
cer consiliū archana, quasi quidam canales sunt
q; quos cucurrit preciosissima hæc tinctura pur-
purea, qua dilectus iste, qui erat uirginitate can-
didus, factus est morte uel passione sua, & pma-
net in æternum rubicundus, deus uere gloriösus,
& homo ualde speciosus, & in utraq; substâlia
rex unus semper & ubiq; uictoriosus.

Quam pulchra es, & q̄ decora charissi-
mæ in deliciis Statura tua assimilata est pal-
ma, & ubera tua botris.

¶ Quid est in deliciis pulchram & decoram esse,
nisi in abundantia gratiæ mansuetudinem sum-
mamq; humilitatem cordis habere? Deniq; do-
na gratiarum & intelligentia scripturarum si-
ue sacramentorum cœlestium uere sunt deliciae, &
humilitas cordis uera pulchritudo est, res deco-
ra, & deo amabilis uirtus est. Haec in te coniu-
cta sunt o charissima, tales deliciae, talisque pul-

Decora in
deliciis.

christudo. Quod enim dixi? Statura tua assimilata est palmæ, & ubera tua botris. Et ne dubium sit, cui palmæ dicam adhuc.

Dixi ascendam in palmam, & apprehendam fructus eius. Et erunt ubera tua sicut botri uineæ, & odores tui, sicut malorum, guttur tuum, sicut uinum optimum.

CMagna igitur humilitas, quam ista pulchritudo sonat, statura tua assimilata est palmæ, quia tale est, ac si dicam, mihi assimilata es omni habitu mentis tuz, mihi (inquam) assimilata es, in eo quod in cruce ascendit mitis & humilis corde. Hunc ergo ascensum meum futurum dixi, nec quisquam amicorum dubitauerit quin dixerim tibi. Si enim ipsis amicis dixi: Ecce ascendimus Hierosolymā, & filius hominis tradetur ad crucifigendum, & alia multa adhuc sensum pertinentia: imo si & inimicis dixi: Et ego si exalta fuero à terra, omnia traham ad meipsum, quanto magis o charissima dixi, aut dicere debui: Ascendam in palmam, & apprehendam fructus eius, & erunt ubera tua sicut botri uineæ, & odores tui sicut malorum: guttur tuum sicut uinum optimum. Hoc erat dicere, exaltabor in crucem uictoriosam, & moriendo morte fructuosa, operabor uelociter salutem omnium credentium, et deinde doctrinam tua, doctrinam legalis atque Evangelica, tempore oportuno palam prædicabitur, sicut in autumno dulces botri comeduntur, & bonus ubique diffunditur odor honorum operum tuorum, & dulcissimum atque delectabile mihi

Math. 16.
& 20.

Iohan. 12.
Ascēdam
in palmā,
exaltabor
in crucem

O 3